



БЛАГОВѢСТНИК

РОЧНИК VII. * ЧИСЛО 12. * ДЕЦЕМБЕР 1927.

ОТВѢЧАТЕЛЬНЫЙ РЕДАКТОР: О. ЕМИЛІЯН БОКШАЙ

СОДЕРЖАНИЕ:

Недѣля (мѣсячное намѣреніе). —
Де янайти правду? — Сатанисты.
— Сергій, россійскій митрополитъ

зрадивъ христіянство. — Терезія
Найманова. — Извѣстія и Церкви.
— Новосги. — Одѣ администрації.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛ. В УЖГОРОДЪ
ИЗ КНИГОПЕЧАТНИ ОО. ВАСИЛІЯН В УЖГОРОДЪ, УЛ. РАКОВЦІЯ ЧИСЛО 14.

Выдавництво Чина св. Василія Великого въ Ужгородѣ

поручає слѣдуючѣ книжки:

Полный Трѣбникъ (печатаній въ Жовквѣ). Обнимаетъ 899 стор.

Находятся въ немъ всѣ четыри части: I. Гайнства, II. Освященія, III. Благословенія, IV. Моленія на всяку потребу. Двойной друкъ: чорный и червонный. Форматъ дуже добротный. Ясный переглядъ, буквы читкѣ, выразивъ. Оправленій въ кожу стоитъ 150 Кч, а съ поштою порученою 155 Кч.

Служба праднікѣ Сладчайшаго Г. нашего Іисуса Христад-Царя стор. 16. Брошуронастоитъ 5 Кч, съ поштовою засылкою 5 Кч 60 г.

Служба Свѧщеннїйшему Герццу Іисусову сторонъ 20.

Брошуронастоитъ 13 Кч, съ поштовою засылкою 13 Кч 60 г.

Оутреня й Нечерна ч. I. Содержаніе: Служба всѣхъ прадніковъ подвижныхъ; Служба Октоиха въ недѣлю; Служба обца Святыхъ; Евангелія воскресніи и Стихирь Евангельски; Пѣснь умилительна; Пасхалія и Мѣсяцословъ. — Книжка переплетена въ полотно.

Одинъ примѣрникъ стоитъ 60 Кч, зъ поштовою засылкою 64 Кч.

Оутреня й Нечерна ч. II. Содержаніе: Служба всѣхъ прадніковъ неподвижныхъ съ Пред- и Попраздненстнами въ недѣлю; Служба Октоиха въ недѣлю; Евангелія воскр., и Стихирь Еванг. Пѣснь умилительна; Пасхалія и Мѣсяцословъ. Книжка переплетена въ полотно.

Одинъ примѣрникъ стоитъ 70 Кч, зъ поштовою засылкою 74 Кч.

Чинъ Тайны Крещенїя й Миропомазанїя. Цѣна 5, зъ пошт. 5·60 Кч.

Чинъ Тайны Свиржества. Стоитъ 5 Кч, зъ пошт. засыл. 5·60 Кч.

Чинъ Тайны Елеопомазанїя. Стоитъ 5 Кч, зъ поштою 5·40 Кч.

Чинъ Прастаса й погребенїя мірскихъ человѣкъ. Ц. 10 зъ п. 10·80 Кч.

„Часослобъ“ (Ерейскій Молитвословъ) переплетеній въ кожу съ золоченымъ обрѣзомъ. Стоитъ 80 Кч, зъ пошт. засылкою 85 Кч.

У Стіп Учителя мѣстить 204 читань для священниковъ, стор. 380.

Стоитъ 20 Кч, съ поштовою засылкою 21 Кч 20 г.

Кровава Незабудькаabo Хресна дорога Спасителя мѣстить читанія и молитви о Страстяхъ Христовыхъ. Стоитъ 6·50 Кч, зъ поштою 7·30 Кч.

Церковні Пісни (зъ нотами), мѣстить 301 пѣсень. Ц. 22 зъ пошт. 23·20 Кч.

Катехизмъ Шпираго ч. I., II. и III. Въ I. частіи широко выложена наука св. каѳ вѣры, въ II. говориться про науку обычавъ, а въ III. выложена наука про Средства ласки. Книжки брошуронанѣ, кожда окрѣмо. Цѣна ихъ така:

Ч. I. и II. стоять по 25 Кч, съ пошт. по 28 Кч. Ч. III. 22 Кч, съ пошт. 24·50 Кч.

Хвалите Господа. Молитвеничокъ для интелигенцій, печатаній фонетикою на 2 фарбы, маленького формату 6×10. Цѣна 13, зъ пошт. 13·50 Кч.

Коляди (зъ нотами). Содержить 80 колядъ. Цѣна 14, зъ пошт. 14·80 Кч.

Коляди (безъ нотъ). Содержить 52 колядъ. Цѣна 3·60, зъ пошт. 4 Кч.

Через мечі до житя. Повѣсть изъ часовъ Г. нашего І. Христа. Написана дуже займаючо. Цѣна 15, зъ поштою 16·20 Кч.

Проповіди на Великій пост. Цѣна 6· — Кч, зъ поштою 6·50 Кч.

Біблія Старого Завіта ч. I. и II. (двѣ книжки). Цѣна одної книжки 20 Кч, зъ поштою 23 Кч.

Божествений Спаситель. Нарисъ житя Іисуса Христа въ народ. мовѣ.

Цѣна 25 Кч, зъ поштою 28 Кч.

Брошурка „У стіп Учителя“ и всѣ інші, оддѣлекъ одъ блюслужебнѣхъ книжъ линейкою, печатанъ въ галицкомъ языць (фонешикою).

БЛАГОВѢСТИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

Выходитъ 1-го кождого мѣсяця.

Адреса

Редакцій, адміністрацій и експедицій:
Видавництво Чина св. Василія Великого
въ Ужгородѣ, улиця Раковци число 54.

Предплата:

Въ Республіцѣ на цѣлый рокъ 10 Кч.,
за границю 17 Кч. — До Америки 0·50 (попъ) дол.
Одно число „Благовѣстника“ стоить 1 Кч.

РОЧНИКЪ VII.

ЧИСЛО 12.

ДЕЦЕМБЕРЬ 1927.

Недѣля.

Старый Завѣтъ оповѣдае, что судія израильский Самсонъ разъ въ пустынѣ найшовъ скелетъ одного льва; скелетъ сей страшно выглядавъ, але коли Самсонъ близше приступивъ до него, въ ротъ льва найшовъ солодкий медъ, что назбирали дикѣ пчолы.

Якъ Самсонъ зъ скелетомъ львовимъ, само такъ есме и мы зъ Божими заповѣдями. Зпершу видяться они тяжкими, трудными, но коли глубше порозумѣеме значеніе законовъ, видиме, что медъ, солодкий медъ находится въ нихъ.

И законъ Божий: Памѧтай, чтобысь день недѣльный поскатиць, есть данный для блага нашего тѣла и души.

Каждый чоловѣкъ заробляє свой хлѣбъ тяжкою працею: умовою, або физичною працею. Земледѣлець на полю, роботникъ въ фабрицѣ, урядникъ въ урядѣ, учитель, профессоръ въ школѣ. Чтобы было, если бы въ сей працѣ не было жадного перестанку? Чоловѣкъ бы вычерпавъ всѣ свої силы и у короткий часъ не могъ бы больше працювати... Але е одень день коли мусиме перестати робити; коли не слабий людской голосъ, але громкий голосъ Божий забороняє тобѣ працю и обовязує тебе выспочити цѣлотыждневѣ труды твої... Въ французской революції безбожники хотѣли знищити всяку думку на Бога, розпорядили мѣсто семого дня, кождого десятого дня держати одпочинокъ. Але се не довго держало. Людский законъ

не могъ перемогти Божого закона и люде мимо всякого закона безбожниковъ держалися Божого слова...

Такожъ и для фамиліѣ е законъ недѣльный великою благодатію. Черезъ цѣлый тыждень розорвана фамилія, оденъ членъ фамиліѣ туй, другий тамъ працює. Але е оденъ день, коли такъ на полю, якъ въ фабрикахъ, въ роботняхъ перестане праця и члены родины зновъ въ одно суть; зновъ чувствують, что належать до одної фамилії, зновъ запалиться огень фамилиярної любви.

Е недѣльный законъ дуже пожиточнимъ и для нашої души. Чоловѣкъ сотвореный зъ землѣ, привязаний до неї якъ дѣтина до матери; земля, се наша мати силує намъ свої богатства, свої розкоши... И сколько много такихъ есть, котрѣ цѣлкомъ забудуть про небо и служать лише земли, жиющи такъ, якбы на вѣки туй мали бы зостати на земли... Але е оденъ день, коли всѣ люде учують голосъ звона, якъ голосъ Бога взывающий до кожного: Горѣ имѣемъ сердця, коли всѣ люде, хотячи-нехотячи мусять подумати, что не на то есме сотворенъ, что бы бѣсти, пити, гуляти, але маєме и вѣчное отечество и есме сотворенъ для вѣчного блаженства... Та недѣля потрясе чоловѣка, чоловѣкъ опамятаєся и почне лѣпше думати на свою душу и спасеніе. Ци не солодкий медъ е для нашої души въ семъ благодатномъ законѣ-Божомъ?!

А про тягары и нѣчто говорити! Въ тыждню маєме ($7 \times 24 =$) 168 годинъ. И изъ сего довольно великого числа Богъ небесный для свого прославленя, для Богослуженя пожадає одь нась хиба дасколько годинъ! Неотмѣнно и подъ тяжкимъ грѣхомъ обовязує нась присутствовать на св. Службѣ Божої и такожъ желає участь брати на іншихъ Богослуженяхъ. Але головно св. Службу предписує, бо та е обновленіемъ жертвы Христової на Голгоѳѣ! Ци то е богато? Ци може себе еще христіяниномъ держати той, кто и только не хоче зробити Богу небесному?!

Одна нѣмецка пословиця каже: Яка твоя недѣля, така и твоя послѣдна година. Кто черезъ все свое житя честно подержавъ недѣлю, нѣколи безъ важної причини не пропустивъ св. Службу Божу, той може надѣятися, что въ послѣдной годинѣ житя его загостить до него Божій слуга и розрѣшений одь грѣховъ своихъ переселитися въ

вѣчну отчину. Где е вѣчна недѣля, е вѣчное Богослуженія и вѣчна пѣсня ангелскихъ хоровъ: Сватъкъ, Скатъкъ, Скатъкъ Господь Гоѓъкъ Сакаодъкъ...

Мѣсячное намѣреніе на децемберъ: ...чтобы христіяне совѣстно посвятковали день недѣльный.

Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.

(Продовженія).

Ци била колись женщина папою?

— Одно только еще не дае менѣ супокою — продовжавъ хворый. — Вы сказали попереднога разу, что по словамъ св. Павла, жона въ Церкви не має голосу. А я читавъ, что папою била разъ жона. Ци оча била такожь не помыльна?

— И Вы вѣрите въ се, что папою била жона? сказавъ о. Петро — Вы вѣрите въ сесю ложь, яку выдумали вороги Христа, чтобы не лише збещестити каѳолическу Церковь, але и цѣлу христіянску вѣру? Еѣ стыдаются нынѣ навѣть тѣ, котрѣ еѣ выдумали. А выдумали они еї тогды, коли еще можна было сказать яку небудь ложь, а люде вѣрили. Але нынѣ, коли наука исторіѣ такъ розвинулася, нынѣ уже въ сесю казку никто не вѣритъ, бо всѣ знаютъ, что тогды коли сеся жона мала быти папою, бывъ папою зовсымъ ктось іншій. Нынѣ е се такъ загально звѣстно, что я навѣть дивуюся, что Вы, кандидатъ духовного стану, можете еще въ томъ сомнѣватися? Ачей Вамъ сего не говорили Вашъ учитель?

— Нѣ! — одповѣвъ хворый. — Але я се читавъ въ одной книжцѣ на селѣ.

— Такъ, я сего и догадався — продовжавъ о. Петро. — Нема горшого нещастя, якъ сѣ книжочки, что то ихъ пишуть заслѣпленѣ, або зовсѣмъ слѣпѣ вороги Церкви. А еще якъ така книжочка достанеся помежи простый народъ, котрый вѣрить у всѣо, что друковане, тогды она наробить только лиха, что и сто найлѣпшихъ богослововъ ненаправить сего. Бо се не трудно сказать на когось, что онъ злодѣй, але якъ сему бѣдному доказати, что онъ не е злодѣй?

— Але, чтобы Вы не думали, что я хочу передъ вами что небудь закрывати, то я розкажу Вамъ про то, зводки взялася сеся казка про папу-жону — говоривъ дальще о. Петро.

— Ся нещастна жона, по словамъ вороговъ Церкви, мала быти папою въ р. 855. и подъ именемъ папы Ивана, рядити Церквою больше якъ три роки.

— Тѣ часы, т. е. девятое та десятое столѣтіе, се найсмутнѣйши часы исторіѣ Церкви. Тогды справдѣ засѣдали на апостольскихъ престолахъ папы, котрѣ не были достойнѣ сего наибольшого досто-

инства. А причиною сего было, что тогда выбирали папу не самъ священники, але дворянство, которое хотѣло мати на папскихъ престолахъ такихъ людей, якъ ишли бы имъ на руку.

— Дворянство не дбало про то, чтобы папою бывъ Божій чоловѣкъ, але только, чтобы онъ бывъ добрый для нихъ, ти попираў еѣ справы. Особено одна дворянска родина графовъ тосканскихъ, уживала всякихъ и найогиднѣйшихъ способовъ, чтобы на апостольскомъ престолѣ засѣдали такъ люде, котрѣ робили бы то, что она хотѣла. Въ той то родинѣ были три жоны, мати, Теодора, и еѣ двѣ дочки, Теодора и Мароція. Тѣ жоны допускалися при выборы римскихъ отцовъ якъ найогиднѣйшихъ злочиновъ, чтобы только выбрать такого, котрый имъ бывъ до вподобы на то, чтобы потому рядивъ въ Римъ не папа, а они. Зато говорили тогда, что въ Римѣ рядить не папа, але жоны. Зводси и пошла выдумка, что папою въ Римѣ была жона.

— Та ци се могло быти, осудѣть самъ. Въ томъ часѣ, коли то сеся Иванна мала быти папою, выступивъ противъ папы, найбѣльшій ворогъ каѳолическої Церкви, Фотій, про котрого мы уже говорили. Чтобы оправдати свой выступъ, очъ збиравъ всякъ найдробнѣйшѣ закиды противъ каѳолическої Церкви, на пр. что римска Церковь въ постѣ не спѣває „Аллилуя“ и такъ иншѣ. Якъ Вы думаете? Коли бы тогда на папскомъ престолѣ засѣдала жона, ци Фотій не бывъ бы сего выкорыставъ, не бывъ бы голосивъ на цѣлый свѣтъ, что жона є Головою Церкви. А однакожъ онъ анѣ словомъ не загадавъ про се. А бывъ се шиковный чоловѣкъ, что знатъ навѣтъ глядати закиды тамъ, где ихъ зовсѣмъ не было! И онъ замовчавъ бы про таку подію?

— Впрочемъ маєме цѣлкомъ певнѣ документы, что папа Левъ померъ въ юліѣ р. 855., а по немъ безпосередно слѣдовавъ папа Венедиктъ III. до року 858. По Венедиктѣ, черезъ десять лѣтъ, рядивъ Церквою папа св. Николай I., за котрого выступивъ Фотій. Де е тутъ часѣ, въ котромъ мала быти папою жона?

— Нынѣ сю казку одкинули и найзагорильшѣ вороги Церкви. Она товчеся еще хиба по мозгахъ людей, котрѣ про исторію або ничего не знаютъ, або знати не хотять.

У тыждень по послѣдной розмовы подужавъ хворый на столько, что уже могъ вставати зъ постели. Свою першою повинностю уважавъ онъ пойти до о. Петра и зложити ему щиру подяку за опѣку, якою сей, разомъ зъ своею женою, окружали его за весь часъ хвороты. О. Петро дуже зрадовався, коли увидѣвъ хвoroго; запросивъ его до своеї гостинної комнаты и посадивши у выгодномъ креслѣ, ставъ розпитовати про станъ его здоровля.

— Я прійшовъ, чтобы Вамъ, Всечестнѣйшій Отче, зложити щиру подяку за всьо, что Вы здѣлали для бѣдного сироты — сказавъ хворый.

— Та вы сирота — одповѣвъ о. Петро.

— Не, отче, я не сирота у властивомъ змыслѣ, — одновѣвъ хворый — я горшій одъ сироты, бо хоть маю отця и матерь та,

ледви, ци коли въ житію буду ихъ сїде видѣти. Я называюся Василь Івановичъ Ломанинъ. Мой отецъ є священникомъ въ селѣ Болтѣвъ, кіевской губерніѣ. Мене олдали родичъ до духовної семинарії и я бывъ бы еѣ скончивъ, коли бы не нещастный случай.

— Я бывъ уже на послѣдномъ роцѣ семинарії, коли одного разу межи товаришами завелася розмова про печать сповѣди. Я, выскавъ гадку, что священникъ обовязаный завсегда додержати почити сповѣди и николи не вольно ему зрадити еѣ, навѣть коли бы ходило о зраду державы або заговорѣ противъ царя. За се накинулися на мене товариши и казали, что священникъ обовязаный выявити тайну сповѣди, коли иде заговоръ противъ царя. Справа, докнеслася до управы семинарії, мене зроблено бунговщикомъ и неблагонадежнымъ та прогнало изъ заведеня. Всльдъ за тымъ чекала мене служба въ войску и то, кто знає якъ довго и якъ далеко одъ родныхъ сторонъ.

— То по науцѣ россійкоѣ Церкви, священникъ обовязаный выявити тайну сповѣди, коли иде о заговорѣ прогивъ царя? — звѣдавъ о. Петро.

— Такъ, — одповѣвъ Василь Івановичъ — та изъ симъ я не могъ ніякъ погодитися. По моей гадцѣ, тайна св. сповѣди є высша понадъ всякѣ людскѣ зглady и не вольно еѣ николи зрадити.

— Справдѣ такъ — сказавъ о. Петро. — Такъ учить каѳолицеска Церковь. Навѣть коли бы священникъ мавъ признавати подъ присягою, то мусить заявити, что ничего не знає. Колько случайовъ можна навести, где каѳолицкий священникъ радше потерпить смерть, якъ выявивъ бы передъ людьми то, про что довѣдався въ св. сповѣди.

— Такъ то такъ, — перервавъ Василь Івановичъ — у васъ, гр. каѳоликовъ инакше, а инакше у насъ. У насъ царь бывае неразъ старшій чимъ Богъ.

Побѣда правды.

Еще майже тыжденъ перебывавъ Василь Ивановочъ у о. Петра. Неразъ до поздна въ ночи сидѣли они въ городѣ, та розмовляли про тѣ вопросы, котрѣ обохъ такъ дуже обходили. Въ сихъ розмовахъ уже не было тое пропасти, яка еще недавно дѣлила Василя Івановича одъ Петра.

Василь Івановичъ еще и теперь ставивъ вопросы, але въ нихъ уже не было слѣдно ненависти до каѳолицескої Церкви, а радше желаніе познати цѣлу правду. По кождой такой розмовѣ Василь Івановичъ чимравъ больше переймався nauкою каѳолицескої Церкви, а о. Петро одмовляючи правило, долучовавъ молитву, въ якой просивъ, чтобы Богъ позволивъ прозрѣти сей нещастной але щирої душѣ, та давъ ей ласку стати дѣтиною святої, каѳоличекої Церкви.

Та часъ минавъ скоро и Василь Івановичъ, пращеный майже зъ слезами въ очахъ, одѣхавъ до свого родного краю.

* * *

У сколько тыждньовъ позднѣйше, прїшовъ одъ Василя Ива-

новича листъ. Всѧ домашнѧ зойшлися, чтобы его прочитати. Василь Ивановичъ дяковавъ за опѣку, а вконци писавъ:

„Всечестнѣйшій Отче Добродѣю! Вы першій кинули зерно правды въ мое сердце. Вы першій здоймали зъ моихъ очей полууду. Я познавъ, где е правда и роздумавши всьо, та порадившися о. пароха, ришився приняти каѳолическу вѣру“.

Сего дня о. Петро въ молитвѣ щиро дяковавъ Всевышньому, что въ безконечной свей добротѣ позволивъ нещастному збѣгцеви дойти до познаня правды, стати членомъ правдивої Церкви Христової.

* * *

И минуло больше якъ мѣсяць. Одного дня принѣсъ сельскій листоносъ зъ почти письмо зъ россійскими марками на верху. Себывъ листъ одъ Ивана Никифоровича Ломанина, отца Василя Ивановича.

И сей листъ зачинався щирою подякою за опѣку, якою окружавъ о. Петро Василя Ивановича. Другу частину письма наводиме дословно:

„Сколько дней тому одержавъ я письмо одъ моего сына. Довгій часъ не знали мы, что сталося зъ нимъ. Онъ не писавъ спершу, бо бывъ хворый, а коли ставъ приходити до здоровля, не хотѣвъ писати, бо якъ пише у своеи листѣ, переходивъ таку внутрѣшну борьбу, такъ бився зъ гадками, что не хотѣвъ писати неправды, а правды написати еще не мавъ одваги. Ажъ коли перешовъ борьбу, коли якъ пише въ своеи письмѣ, „познавъ где правда“, написавъ листъ. Въ немъ доносить намъ, про Вашъ домъ та опѣку, а вконци и про то, что тому тыждень принялъ каѳолическу вѣру по греческому обряду. Что зъ нимъ сталося, что онъ перешовъ до каѳолическої Церкви, не знаю? Одно только скажу, что онъ одъ малоѣ дѣтины нѣколи не зробивъ намъ нѣякої прикрости. Его охота до працѣ, его побожность, его привязаня до Церкви, робили его примѣромъ для ровесниковъ.

Се перша прикрость, яку онъ зробивъ намъ. Та я не беруся его судити. Дивнѣ суть стежки Божого Провидѣння. Я самъ 'емъ священникомъ, але зъ чистою совѣстю могу сказать, что якъ не будь поступивъ мой сынъ, то онъ мусѣвъ добре роздумати надъ тымъ, что робить и мусѣвъ безъ сумнѣву дойти до переконаня, что робить добре. Онъ малымъ хлопцемъ не робивъ нѣчого не роздумавши добре, онъ и теперь сего не зробивъ.

Най его Богъ благословить, а Вамъ, Вчечестнѣйшій Отче, най сторазъ нагородить за все, что Вы здѣлали для моего сына“.

По лици о. Петра сплыла слеза.

— Твердою дорогою — сказавъ онъ — провадивъ Господъ Богъ Василя Ивановича до правды, буди имя Господне благословенна одъ нынѣ и до вѣка.

(Конецъ)

Сатанисты.

(Мѣсто: Палата коло Москвы).

Стѣна зъ темныхъ цигель, обойме густый садъ, на серединѣ, котрого стоить палата; на першій поглядъ якъ бы никто не бывавъ въ ней. Лише часомъ загучать автомобилы, изъ которыхъ выступаютъ, люде; люде, котрѣ околицѣ не знаютъ, але собѣ добрѣ знакомѣ. Начто пришли и что дѣлають, то никто на околицѣ не знае. Лише сторожъ дому, старый, тихій мужикъ знае внутрѣшне зарядженя дому

На першомъ походѣ е сала, на ней е надпись: „Сала Беліялова“. Изъ двохъ боковъ „таблицѣ закона“ розбитѣ, чтобы лѣпше выявили ту цѣль, для якоѣ е призначена сала. Сала е декорована чорно, стѣны покрытѣ чорнымъ полотномъ, окна забытливо заперти, але численнѣ електричнѣ жаровки розсыпають магичне таємничє свѣтло.

На чорныхъ креслахъ занимають мѣста присутнї. Найстаршій изъ пришедшихъ, мужъ зъ густыми, бѣлыми устами займає перше мѣсто при столѣ, что е покрытый червенымъ сукномъ; двѣ свѣчки на столѣ запаленї. Передъ ними лежить крестъ, на чомъ тѣло Христа розбитое, судина повна крови и стаканъ; маючій страшный видъ людскогого черепа. Предсѣдатель зазвонить на знакъ, что застаніе зачинається:

— „Будь благословенныи Беліяле, нашъ панъ и богъ“, привѣтствує присутнїхъ.

— „Будь благословенныи“ одповѣдають всѣ и додають „и его царство най прїде на цѣлый свѣтъ“.

— Что е перша заповѣдь въ законѣ — звѣдае предсѣдатель. Наймолодшій ученикъ, кто бывъ выкликаный одповѣдае:

— Люби грошъ и роскошъ зъ цѣлого сердця твоего, зъ цѣломъ души твоєї и зъ всею мысею твою, то е перша заповѣдь нашого закона.

— А друга? — звѣдае предсѣдатель:

— А друга е: ненавидѣти будешь Бога, людей, любити будешъ себе лѣпше, якъ каждого іного. Твоимъ ближнимъ е одиноко твой товаришъ, зъ кимъ звяже тя взаемна любовь а сподоба твої Беліяла, будучого Господа и одкупителя свѣта“.

По сихъ словахъ настала тишина. Лиця всѣхъ присутнїхъ поважнѣли, очи дивилися синявымъ огнемъ на розбитий крестъ.

— Най буде блягословенна свѣтова война, котра намъ полоскшила працю — одповѣдали присутнї.

— Днесъ предложите свої проекти — каза предсѣдатель. И вставъ одень изъ присутнїхъ, ударивъ на крестъ; выливъ изъ судини крови до стакана, выпивъ и сказавъ:

— Будь проклятый Христе, кто принѣсь свободу людямъ, будь проклятый, кто зробивъ 'есь, что люде стали тѣнами Божими, же зайдуть въ блаженство царства небесного.

— Будь проклятый Христе, кто розоривъ 'еси державу Беліяла на земли — одповѣдали всѣ одноголосно.

А бесѣдникъ продовжавъ дале:

— Брата, что намъ учинити, чтобы задушили свободу на земли? Знаете добре, что конецъ нашего панована, еслибы свобода пановала на земли. Доки Христосъ не прійшовъ, были сме непереможнъ. Пановали сме на свѣтѣ. Але днесъ наше панована е огорожене. Зато кажу вамъ: спустошьмъ религію Христа.

А всѣ едноголосно кричали: знищьмъ религію Христа!

— Постав'ме всѣ газеты до бюро противъ Христа. Наймеме тысячи бесѣдниковъ противъ его Церкви! Розшириме по цѣлому свѣту безвѣріе. Такъ звучали голосы.

Потомъ забравъ голосъ другій речникъ. Казавъ:

— Брата! Маєме уже союзника, кто вытревало служить интересамъ. То е наука. Она выповѣла бой Богу, трутила чоловѣка зъ престола Божого сыновства. Ширить нашу правду: чоловѣкъ походить одъ звѣрять. Сю нову науку нашего союзника — мусиме подпоровати.

— Смерть той науцѣ, которая подпоровала стару вѣру въ мысляхъ людей — закричавъ оденъ зъ присутныхъ.

А другій бесѣдникъ продовжавъ:

— Если выгубиме стару вѣру и стару науку, наша дальша праця буде уже лекша. Одпоръ старыхъ рядовъ услабнуть, люде будуть зрѣль про царство сатаны.

— Прійди царство сатаны... доложивъ ктось и собравшихся. Най благословиться той день, коли засяде на престолъ Беліяль, чтобы занявъ утраченое царство надъ людьми.

Потомъ забравъ голосъ третій:

— Брата! Что буде потому, коли уже зробились зъ людей звѣрята? Уважайте на одно: звѣрята мають свой инстинктъ и свою наклонности. Звѣрята зджуряться, чтобы ловили добычу; людѣй перемѣниме въ вовковъ, але вовки збѣгнутъ въ одно стадо и въ своей дикости вержутся на насъ. Пожрутъ насъ, якъ подорожниковъ въ твердой зимѣ. Не доста людѣй перемѣнити въ вовковъ. Мусиме ихъ межи собою роздѣлити и знепріягелити. Жадный народъ не смѣ зджурити и братати зъ другимъ. Мусиме народы поставити су-противъ себе. Роздѣлиме ихъ, — одвернеме небезпеку одъ себе.

То мусиме зробити — каже другій. Кождый народъ має мати свой властный интересъ, оддѣльный и противидущий остатныхъ. Кождый край, кожде мѣсто, кожде село має мати іншѣ туги. Сусѣдъ має ненавидѣти сусѣда. Если се намъ удастся, побѣдиме. Мусиме роздѣлити народы, чтобы мы — споенъ — могли пановати наъ ними.

— Такъ — каже іній — народы мають себе взаємно подозрѣвати, ненавидѣти, переслѣдовати и тогды прийде часъ, что сатана запануе надъ ними и зробить ихъ невольниками.

— Подбурѣмъ народы — додавъ оденъ; ихъ злука насъ бы знишила.

А четвертий выпивши кровь изъ чарки говорить такъ:

— Одобряю всѣ наверги; всѣ проведуть насъ безопасно къ цѣли. Але еще одно хибити. Знижиме людей до звѣрять; але звѣрять; але звѣрята мусиме настрашити. Если бы пробудила одвага

одинокихъ, стягнула бы всѣхъ противъ насъ. Эзвѣрина задержуєся лише угрозою; усмѣряючій вытягно противъ неѣ револверъ, бичує еѣ желѣзными прутами. И тѣ авѣряга у людяхъ мусимѣ удержовати въ страху а то сгромими законами и сграшными карами. Головный катъ муситься стати первымъ министромъ пануючимъ.

— Превосходно! Закричали всѣ. Ка гъ муситься стати найбольшимъ выконымъ мужомъ въ державѣ.

По короткомъ часѣ приголосившися до бесѣды другій:

— Такъ, все добре е передумано, але незабудьте еще одно, Суть и такъ, котрѣ не настрашатьсѧ навѣть смерти. Суть сильнѣ ихъ одвага граничаєся бѣшеностю. Страхъ передъ смертю на нихъ не впливає. И для сихъ знаю одно средство, якъ знищити ихъ одвагу. Се е неморальность. Честнота оживляє силу чоловѣка, але роскошь подкопує. Мусимѣ ширити безморальность. Книга, пресса, образы мусять намъ въ томъ помагати.

— То е превосходный проектъ — одозвався голосъ. Ядъ хѣши дѣйствує якъ оружіе. Огровиме душу безморальностю. Сей процесъ е поволий, але найбезпечнѣйший.

• Такъ составили планъ для знищення народовъ черезъ безвѣре, фальшиву науку, розбуреньемъ несогласія народовъ и ширеніемъ безморальности.

Секретарь собранія все нотовавъ.

Потомъ стали участники зѣзу и поцѣловалися. У выходѣ зѣ почестю тиснули свої уста до памятника сатаны, маючого въ нохахъ розбитый крестъ. Мовчки посѣдали въ авта и розойшлися въ всѣ стороны. Все замовкло въ вилѣ и около неї. Але говорили дѣла.

У пару дній всѣ проводники провинціальни мали тайну справу о собранію пайвышої рады. Газеты друковалися, бесѣдники розишлився по цѣлому свѣту, чтобы приготовили приходъ туженого Антихриста.

Сергій, россійскій митрополитъ зрадивъ христіянство.

Присилує священиковъ, чтобы зложили присягу вѣности большевикамъ-комунистамъ. Червений Сергій трутивъ въ прошастъ росс. „правосл.“ Церковь, котра розпадаєся.

Найбльшою перемъною соціальною было въ новѣйшої исторії Европы: збольшевизовання Россії. Выгубили царску фамилію, аристократію и тѣхъ богатыхъ, котрѣ не могли утѣкти. Около 3 мільони людей впали жертвою збольшевизовання Россії, что причинило но лише матеріяльну, але и моральну руїну.

Але найбльшій ударъ потерпѣли россіяне. тогды, коли голова росс. Церкви, митрополитъ Сергій поддався правительству большевицькому. Митрополитъ россійскѹ Церкви, кто має около 100 мільйоновъ вѣрниковъ, чтобы обезпечити для себе ласку комисаровъ

большевицькихъ, въ одномъ розпоряженію до священиковъ и вѣрниковъ зарядивъ, что: „епископы и священики россійскіе православноѣ Церкви повиннѣ зложити присягу вѣрности большевицкому правительству“. Каждому епископови и священикови до призначеного срока треба было подписать заяву, въ которой обовязуяся подчинитися розказамъ московского правительства. Кто сего не подписавъ, мусъвъ зректися своеѣ посады, а окремъ того бывъ выклыченый изъ „правосл.“ Церкви, Тѣ россійскѣ „православнѣ“, котрѣ жиуть на заграницѣ страшно огорченѣ. Оденъ православный епископъ жиучій въ Берлинѣ говорить:

„Зрада митрополита Сергія дуже близко односиться до тыхъ „православныхъ“ священиковъ, котрѣ жиуть мимо Россії. Съ всѣ уг҃кли изъ Россії и суть протиреволюціонеры, але если хотять зостатися православными, то повиннѣ зложити присягу вѣрности большевикамъ. Бо коли не новинуються приказу Сергія, то большевики выправотять одъ нихъ церкви, фары и всѣ церковнѣ маєтки. Симъ путемъ московское правительство достало бы до своихъ рукъ въ каждомъ большомъ городѣ величезнѣ палаты изъ якихъ еще въ большей мѣрѣ буде могти ширити ядъ большевизма. •

Зрада Сергія е найбодьшою зрадою въ цѣлой історії Церкви — продовжає той епископъ. Такого грѣха, такої подлости еще николи не робивъ епископъ противъ вѣры Христової. Не дивно, что мілліоны и мілліоны россійскихъ христіянъ збурилися противъ митрополита. До сихъ поръ богато епископовъ и священиковъ (23.000) одорвалися одъ Сергія.

Криза душевна россійсього христіянства досягла великої мѣры. Велика „православна“ Церковь стоить передъ розваломъ. Однѣ глядають нового митрополита, котрый бы выклявъ Сергія, а другѣ звертаються до Риму и хотять соединитися зъ римскимъ апост. престоломъ. Суть и такѣ, котрѣ пристали до разныхъ сектъ протестантскихъ. Зрада Сергія причинила погибель для, колись могучої, россійскої Церкви“.

Доти слова епископа: Мы лишь только хочеме додати: ци може то быти правдива Церковь Христова, котру „врата адова“ такъ побѣдили. Бо теперь уже явно передъ цѣльмъ свѣтомъ, что большевики-комуністы то найгоршѣ вороги Бога и Христа. А голова „православної“ Церкви, митрополитъ Сергій привязує священиковъ симъ безбожникамъ зложити присягу вѣрности!!

А что до сего кажутъ нашѣ домашнѣ „православники“? Ци кортить ихъ еще быти членами той Церкви, котра такъ зрадила Христа и цѣле христіянство. Думаю, се буде и для нихъ великимъ розчарованьемъ.

«Читайте лишь „Благовѣстникъ!“

Тerezія Неуманова, котра на своеемъ тѣлѣ носить раны Іисуса Христа. **Чудеснѣ въздоровленїя.**

Многъ приходять до Тerezії. Авто коло авта стоить въ пятницю изъ всѣхъ сторонъ свѣта. Епископы, священики, урядники, профессоры, вѣрнѣ и безбожнѣ... Одинъ высшій урядникъ зъ Мюнхена мавъ страшный сифилисъ, цѣле тѣло было покрытое болючими чиряками. Близъ смерти пришовъ до Konnersreuth-а: „Тerezіе, прошу тя на пять ранъ Христа, помози менѣ, бо убю себе!“ Тerezія клякнула до хворого; за три дни молилася. На третій день хвортата перестала, раны безъ слѣду щезли.

Принесли до неї паробка глухонѣмого. Тerezія ъмила его руки: „Кажи, Marie Пречиста Дѣво Мати“. Паробокъ безъ всякоѣ трудиности повторяє слова. Одъ того часу знає говорити. Въ руюочѣ, видячи се чрезвычайное дѣло, воздыхаютъ: Чудо! Mirakel! А на устахъ безбожниковъ замерзає усмѣхъ.

Коло постелѣ стоять два профессоры-лѣкарѣ и два епископы. Грошей, милостынѣ не принимаютъ. Ани слѣду не е. Хотя каждый хотѣвъ бы дачто дати. Бѣднѣ геллеры — богатѣ обильный даръ. Але мѣстный плебанъ не принимаетъничо! Хотете дати дайте дома убогимъ, бо въ селѣ не е дозволено чтобы бѣднѣ хосенъ мали зъ чуда Тerezії.

Что каже Церковь до „чуда“.

Въ хр.-каѳол. Церкви такого роду чуда уже больше разъ были. Першій бывъ св. Францъ Ассискій, кто передъ 700 роками одержавъ раны Іисуса Христа. Одъ того часу повторялося се чудо 280 разъ. Называється стигматизація. Въ справѣ Тerezії Наймановоѣ Церковь еще не выповила свое слово. Епископъ Регенсбургскій (въ епархіи котрого лежить Konnersreuth) поставивъ до Тerezії комиссию, котра складається зъ лѣкаря и изъ четырохъ монахинь. Съ постоянно коло неї суть и контролюєтъ всѣ слова, рухи, подѣї Тerezії. Постоянно папѣровый блокъ и оловецъ мають въ рукахъ и пишуть. Побоженѣ суть, что все найвѣрнѣйше спишуть. Епископскій урядъ на конци збере всѣ документы и предложилъ римскому апостолскому престолу для вирѣшеня.

Се только, сколько писали новинки про сю чудну подѣю и что написали наочнѣ слѣдки, котрѣ тамъ были и властными очами видѣли раны Хреста на тѣлѣ Тerezії. И се сталося не давно колись и не далеко; где и коли не можно точно контролювати, але днесъ въ судной краинѣ передъ тысячами людей, котрѣ не такъ легко повѣрять всякимъ чудесамъ. Больше и точное будеме знати, коли римскій отецъ выскаже свое окончательно слово въ имени Церкви въ сей справѣ, але и доти у душахъ многихъ людей ожила и укрипилася давна вѣра, что модерный свѣтъ знищивъ и съ въ глубинѣ сердци широ признаютъ, что: „Велій еси ты Господи и творяй чудеса“.

(Конецъ).

ИЗЪ СВѢТА И ЦЕРКВИ

Преважна правда.

Недавно приймавъ св. Отецъ Римскій Пій XI. христіянскихъ роботницъ изъ города Рима, котръ по одконченой миссіи хотѣли у Христового намѣстника зачерпнути силь до дальшоѣ працѣ. При сей нагодѣ св. Отецъ такъ одозвався до нихъ:

„Кто оддається працѣ, сему мало треба до освяченя себе. Досить разбудити въ собѣ доброе намѣреніе и черезъ него пожертвовати свою працю Богу. Симъ способомъ може удержватися въ постоянной злуцѣ зъ Г. Богомъ. Кто працює, сему доста вароватися сего, что плямить сердце и ображає Бога. Такому доста робити свое дѣло и думати про Господа Іисуса, котрый живучи туй на землѣ не ганьбився простоѣ працѣ и нею угодивъ небесному Отцю. Сякій роботникъ прекрасно служить примѣромъ и ближнимъ своимъ; его животъ се найкрасша проповѣдь. Будьте добрыми роботницями и въ едно добрыми христіянками“.

Преважное и премудрое слово, брате солодкій и сестро. — На великѣ дѣла тебе не стаги. Звычайнѣ, буденнѣ, простѣ роботы, выповняютъ цѣлое твое життя. Коли ихъ для Бога и зъ Богомъ небеснымъ кончишъ, то они суть тими гарадичами, по котрыхъ зближаешся до царства небесного. Доброе намѣреніе озолочує твоѣ чтоденнѣ працѣ и робить ихъ милыми въ Божихъ очахъ. Въ семъ цѣла мудрость христіянска. „Ци ъсте. ци пьете, ци чтонебудь другое робите, все на Божу славу робѣть“ (І. Кор. 10. 31) „Тымъ, котрѣ Бога люблять, все на добрѣ выходить“ — каже тойже св. Апостолъ.

Подумай, ци знаешь сесю мудрость? Ци ты сякъ живешъ, ци безъ думки, середъ стогнаня, проклоновъ, нарѣкань, образы Божоѣ? Каждый чоловѣкъ самъ собѣ куе вѣчну долю: добру або лиху!

Мала миссіонарка навертає грѣшника.

Сестра Філомена, французска монахиня въ Marly, розказує про чудесное наверненіе старого грѣшника 1922 года. — Въ нашей парохії живъ 80 лѣтний старикъ, котрый одѣ 25-го года свого життя не сповѣдався. Теперь тяжко захворѣвъ; смерть зближалася до старого. Добрѣ люде змагалися наклонити его, чтобы помирився въ Богомъ небеснымъ. Та старый нѣ чути не хотѣвъ про св. Сповѣдь. „Го, го, казавъ онъ, неодно я уже видѣвъ. Все то поповскѣ выдумки. Най и на очи не показуєся менѣ попъ! Я не вѣрю въ нѣчто!“ Я поручила старого безбожника св. Терезіѣ, а потайки, зашила у его заголовокъ мошь малоѣ святої. По колькохъ дняхъ сей нещасникъ самъ зажадавъ священика, широ высловѣдався и принялъ св. При-

частіє. Безнастанно повторяє молитву: „Ісусе, будь менъ Спаситеlemъ!“ — Очѣкує хвилъ смерти и небесного царства!

Ось тобъ новый примѣръ могучого заступництва молодоѣ св. Терезії одъ малого Іисуса. Живучи на землѣ всѣ свои молитви и терпѣння жертвовала за наверненіе грѣшниковъ, а не перестає и въ небесномъ щастю вставлятися за ними и выпросити имъ наверненя. Можети коло тебе живе який блудный сынъ, котрый утѣкає одъ люблячого серця доброго пастыря Іисуса. Попробуй обратися до его забитого серця черезъ малу міссіонарку св. Терезку отъ Дитягка Іисуса. — Милу рѣчъ зробишъ Іисусови и поможешь бѣдной душѣ.

Мудрый отвѣтъ.

Прийшла недѣля. Десятилѣтній хлопецъ школляръ взявъ въ руки молитвеникъ, котрый тому тыж цень одержавъ отъ богобойної мамки, яко дарунокъ въ день св. Причастія, и пустався до церкви на Службу Божу. „Ты куда пустився?“ — звѣдуєся его наньо, недовѣрокъ (bez vuzpani). — „На Службу Божу, — няньку, нынѣ недѣля“, — отвѣтивъ хлопецъ. „Ta чтось выдумавъ?“ — сказавъ сердито наньо. „Най до церкви иде мама и сестры, а ты пойдешъ зо мною въ лѣсъ на прогульку“. — Сынокъ засмутився, подумавъ часочокъ и сказавъ: „Няню, ци Божа заповѣдь, котра каже святковати недѣлю, е лишь для мами и сестеръ?“

„Дурниця!“ — гнѣвно сказавъ отецъ. „А, якъ такъ, то дурница и четверта заповѣдь, котра приказує честовати отця и матерь!“ — сказавъ рѣшучо хлопецъ.

На сѣ слова старый безвѣрокъ ставъ якъ вкопаний. — Не қажучи нѣ слова спрямовавъ свої кроки до церкви. Побожный сынокъ побѣдивъ его властнымъ оружіемъ. — Одъ того часу навернувшись и стався примѣрнымъ христіяниномъ.

НОВОСТИ

Смутный ювилей. Большевики-комунисты сего року святкують 10 рочний ювилей заведеня большевицкого панованя. Изъ сеъ на-
годы констатовано въ свѣтовоѣ пресѣ, что се панованя могло удержа-
тися лише невысказанымъ тероромъ. Гасло Троцкого было: „Не-
пріятеля треба учинити нешкодливымъ, т. е. треба его убити“. Га-
зета „Рулый Меч“ написала г. 1919: „Мы маєме новѣ законы мо-
ральни. Про насъ всякѣ средства суть дозволенѣ“. Коли не удався
атентатъ на Урицкого (одного зъ передниковъ большевиковъ) за-
стрѣлили комунисты 1.500 особъ невинныхъ. Коли зробили атентатъ
на Ленина застрѣлено пару десятьтысячъ людей. Коли про сей
атентатъ писавъ „Красный Часопись“ лодавъ: „Айно по сто булговъ
выгубити людей, по тысячаахъ. Найся утоплять въ своеї крови. Чимъ

больше крови; якъ можна больше крови". Се е переведеньемъ словъ Ленина, кто сказавъ: „И если бы 90 процентовъ нашего народа мало бы загинути, лишь хотбы тыхъ 10 процентовъ дожило свѣтвоѣ револуціѣ“. Най гине все, най гине весь народъ, лишь чтобы съ пяэки народа могли запановати надъ цѣлымъ свѣтомъ. (День 13. нов. 1917.) Такими средствами знаютъ большевики удержати свое панованя въ Россіѣ. А вы нещастнѣ русины еще завидите имъ? Корить васъ покушати панованя большевиковъ-комунистовъ?!

Преосв. Василій епископъ американскихъ русиновъ дня 23-го нов. прибывъ до Ужгорода, чтобы зводси поѣхавъ до Львова на першій конгресъ гр. каѳ. русскихъ епископовъ. Преосвященнаго Василія привита чи въ Ужгородѣ даже торжественно, каѳедральна церковь наповнена была людьми. Преосв. Петро на чолѣ своихъ греміальныхъ священниковъ теплыми словами привѣтствовалъ Его и принимая Его щиримъ рускимъ гостепріемствомъ. Сими днями прійшовъ до Ужгороду такожъ епископъ Павло Гайдичъ и такъ всѣ трое гр. каѳ. епископы разомъ поѣхали въ Галичину на епископску нараду. Преосв. Василій потомъ вернеся до Ужгорода и въ серединѣ децембра одѣждае до Америку.

Осудили ихъ. Схизматики въ Копашыовѣ доиграли уже свою забавы... Дня 11-го нов. была послѣдня розправа про розбой церкви и нарушения маєтку гр. каѳ. Церкви. Засудженъ, якъ заслужили. Молнаръ Мих. Вас. доставъ 8 мѣсяцівъ и 200 Кс. киры; Чижмаръ Мих.-ова 4 мѣсяцівъ и 200 Кс.; а іншѣ осмеро по 2 мѣсяцівъ и 100 Кс. грошевѣ кары. Батюхъ Кениарь якось выкрутившися и такъ что онъ наваривъ, поѣли бѣднѣ его вѣрники. Такъ то е, что бѣднѣ русины сидягъ въ темницяхъ, а батюхи

далъше панують и розширяють „св. православіе“.

Въ Римъ. Юліянъ Марина, вице-ректоръ богословскоѣ семинаріѣ поѣхавъ до Рима на 2 роки на высшѣ студіѣ. Молодому амбіційному священнику желаемо много успѣху.

Якъ святкують схизматики недѣлю? Где схизматики положили свою ногу, тамъ побожне житъ зъ дня на день упадає. Подивъмся на схизматицкое село въ недѣлю. Батюхъ въ церкви „одправляє“ а люде вонка около церкви; легинѣ, дѣвчата гуляють, шпацирують, бавляться. Видно, что и самъ не беруть поважно ни одправу, ни „проповѣдь“ (?) батюха. Доки „проклятъ“, уніятъ были въ селѣ, доти такого смѣха не робили ни изъ Божого дому, ни изъ Богослуженя. Батюхи не смѣють напоминати народъ, бо бояться, что люде такъ выженуть ихъ изъ села, якъ незаконно привели ихъ. Та лишь терплять, чтобы гинуло все и ринуло до безбожія...

Миссію держали ОО. Редемптористы въ Стражкомъ (ж. Зепл.) одѣ 15. X., до 23. X. На миссії було виголошено 16 бесѣдъ. Всѣхъ причастниківъ было 927. За красный успѣхъ заслужать на похвалу ОО. Редемптористы: о. М. Трчка о. Вас. Муссичъ; мѣстный парохъ нам. Ем. Штѣфанъ, кто одновѣдно пригото-

вивъ св. миссію, такожъ и сущдили священники, котрѣ головно въ сповѣданю вѣрниковъ были прилѣжнѣ.

Выключили Троцкого и Зиновєва изъ комунистичної партії. Вже одъ давна держить сильный бой въ централѣ комунистичної партії Радянскихъ Республикъ межи двома групами. Одна подъ проводомъ Троцкого и Зиновєва голосила становиско свѣтової революції, потребы сильної пропаганды за границею, а друга ведена Сталиномъ, зближалася до становиска дер-

жавного, хотѧла помиритися зъ сусѣдними державами, признати передвоеннѣ довги и пр. На конецъ побѣдивъ Сталинъ и вождъ групъ Троцкого давъ выключити не лишь изъ головної рады, но и изъ партії, чтобы „Чрезвычайка“ могла ихъ переслѣдовати. Побѣда Сталина значить побѣда зближеня до людскаго думаня, значить упадокъ дикого комунизма. Зъ Троцкимъ выключили изъ партії и Каменева, высланця въ Римъ и Раковскаго, бывшаго высланця въ Парижъ.



ОДЪ АДМИНИСТРАЦІИ



0. Степанъ Антоневичъ, духовникъ въ Остурной. Получилисъ одъ Васъ 32 Кч, не знаемъ за что и за кого Вы намъ ихъ заслали. Просимъ увѣдомити насть о томъ.

Вже выпечатаный и появився въ продажѣ нашъ

Календарь „Благовѣстника“

Змѣсть календаря дуже гарный и практичный. Календарь сѣть прикрашеный многими илюстраціями. // Цѣна за примѣрникъ 5.— Кч. Жадайте скроь лишь Календарь „Благовѣстника“.

Кто еще не заплативъ за „Благовѣстникъ“, нехай сейчасъ заплатить. Никто не може жадати, чтобы мы ему новинку задаръ посылали. Въ попередномъ числѣ мы каждому предплатнику выписали на адресъ сколько онъ довженъ и каждому послали чекъ. А до днесъ лемъ дакто-дакто сповнивъ свою повинность. Отже дуже просимо не одкладати, але чимъ скорше гроши присылати.

Администрація „Благовѣстника“ въ Ужгородѣ.

Змѣстъ VII. рочника.

Мѣсячное намѣреніе.

Январь: Чтобы перестало гоненіе христіянъ въ Мексику	8
Февраль: Чтобы молодежь змагалася чторазъ то больше заховати чистоту и невинность серця	25
Мартъ: Вѣчное спасеніе людей въ великихъ городахъ	61
Апрѣль: Розширеня добра пресы	77
Май: Христіянска родина	93
Юній: Чтобы христіяне лѣпше спознали и почитали Найсв. Сердце І. Хр.	106
Юлій: Чтобы свѣтъ Христовоъ науки розширилося межи поганами	126
Августъ: Чтобы христіяне не оскорбляли Г. Бога ворожбітствомъ (спирит.)	129
Септемберъ Честуйте Божѣ и съѣтскѣ законы	145
Окtoberъ Свѣдомо въ вѣрѣ	161
Новемберъ: Ходьмъ до жерела життя вѣчного	179
Децемберъ: Чтобы христіяне совѣтно посвятковали день недѣльный . .	

Стать поучаочого змѣсту:

Въ оборонѣ вѣры	7, 21, 41, 60, 121, 151, 104
Не бойтесь	17
Нашъ листы	22, 40, 55
Комунисты	33
Блажени непорочніи въ пути	49
Ізъ сх зматицко-большевицкого раю	52, 73
Христосъ воскресъ	65
Ереси або ложнѣ ученія о вѣрѣ	75
Открытое письмо до сербского епископа Иринея	81
Свѣтло Христове	97
Большевицкое выхованія	102
Чому не вѣрують	113
Сколько стоять церковнѣ процесы въ Подкарпатской Руси	140
Православнымъ братьямъ дасколько вопросовъ	152
Терезія Найманова	173

Поезіѣ:

Гимнъ на честь Христа-Царя	1
На Новый Рокъ	13
Въ честь Преосв. Павла Гайдича	52

Оповѣданія:

Житя св. Терезіѣ одъ дитятка Іисусъ. (Дальше буде)	101, 123, 136
Де знайти правду	179
Пахучая фіялка	23
Воскресеніе	67
Рукоположеніе Его Преосвященства Павла Гайдича	89
Жива вѣра	92
Сердце Іисуса помочь наша въ годинѣ смертнї	155
Ізъ свѣта и Церкви — новости	10, 27, 40, 63, 79, 95, 107, 126, 158, 170, 175
Дописы	12, 28, 41, 62, 107, 141